

詩歌參考資料

建議篇章配套資料：<https://www.edb.gov.hk/tc/curriculum-development/kla/chi-edu/recommended-passages.html>



《詠鵝》 駱賓王



鵝鵝鵝，
曲項向天歌。
白毛浮綠水，
紅掌撥清波。



《春曉》 孟浩然



春眠不覺曉，
處處聞啼鳥。
夜來風雨聲，
花落知多少？



《靜夜思》 李白




牀前明月光，
疑是地上霜。
舉頭望明月，
低頭思故鄉。



《回鄉偶書》 賀知章



少小離家老大回，
鄉音無改鬢毛衰。
兒童相見不相識，
笑問客從何處來？



《登鸛鵲樓》 王之渙



白日依山盡，
黃河入海流。
欲窮千里目，
更上一層樓。



《遊子吟》 孟郊



慈母手中線，
遊子身上衣。
臨行密密縫，
意恐遲遲歸。
誰言寸草心，
報得三春暉。



《憫農》(其二) 李紳



鋤禾日當午，
汗滴禾下土。
誰知盤中飧，
粒粒皆辛苦？



《詠雪》 鄭燮




一片兩片三四片，
五六七八九十片。
千片萬片無數片，
飛入梅花都不見。



《江雪》 柳宗元



千山鳥飛絕，
萬徑人蹤滅。
孤舟蓑笠翁，
獨釣寒江雪。



《題西林壁》 蘇軾



橫看成嶺側成峰，
遠近高低各不同。
不識廬山真面目，
只緣身在此山中。



《明日歌》 錢福



明日復明日，明日何其多。
我生待明日，萬事成蹉跎！
世人苦被明日累，春去秋來老將至。
朝看水東流，暮看日西墜。
百年明日能幾何？請君聽我《明日歌》。



《古詩十九首》(迢迢牽牛星) 佚名



迢迢牽牛星，皎皎河漢女。
織纖擢素手，札札弄機杼。
終日不成章，泣涕零如雨。
河漢清且淺，相去復幾許。
盈盈一水間，脈脈不得語。



《飲酒》(其五) 陶潛



結廬在人境，而無車馬喧。
問君何能爾，心遠地自偏。
採菊東籬下，悠然見南山。
山氣日夕佳，飛鳥相與還。
此中有真意，欲辨已忘言。



以上部分配畫為教育局課程發展處舉辦的「詩情畫意」古詩書簽設計比賽(小學)優勝作品(2020)

教學示例：https://www.edb.gov.hk/attachment/tc/curriculum-development/kla/chi-edu/second-lang/P6_Ch6_SB_r.pdf